

Պ. Հակոբյան

«ՎԵՐՔ ՀԱՅԱՍՏԱՆԻ» ԳՐՈՒԹՅԱՆ ԹՎԱԿԱՆԸ

Ո՛ր թվականից Արովյանն սկսեց աշխատել «Վերքի» վրա: Թեև այս հարցը արովյանագետների ուշադրության կենտրոնում է եղել վեպի լույս աշխարհ գալու օրից մինչև վերջերս՝ իննսուն տարուց ավելի, սակայն ուսումնասիրողներն ըստ էության չեն կարողացել լուծել և զանազան հակասական ու անհամոզիչ կարծիքներ հայտնելուց այն կողմը չեն անցել:

«Վերքի» գրության թվականի մասին կա Արովյանի ժամանակակիցներից մեկի վկայություն: Խոսքը Գ. Արիմյանցի մասին է, որը Ս. Քամալյանին պատմել է «Վարժապետս 1838 թվականից սկսած մեղ մոտ կարգում էր Աղասու պատմությունը՝ հատված-հատված: Թե որքան լրիվ էր այն ժամանակ, չեմ կարող ասել. բայց մենք սիրով լսում, սրտանց ոգևորվում էինք»: Արիմյանի ասածների հավաստիությունը կասկածելի է, թեև շատերն են մեր օրերում այն հալած յուզի տեղ ընդունում:

Լեոն իր «Ռուսահայոց գրականությունը» գրքում անդրադարձել է այդ հարցին, սակայն որոշակի բան չի կարողացել ասել. «Խ. Արովյանցի «Վերք Հայաստանին»... զրված է, ինչպես կարծում են, 1842 թվականին՝ կամ «Վերք Հայաստանին» զրվել է ինչպես ենթադրում են, 1840—41 թվականներին»¹: Լեոն, այսպիսով, հենվում է ուրիշների վրա և հակասական բաներ ասում:

Առանց մանրամասն ուսումնասիրելու, թե երբվանից հեղինակն սկսեց վեպի վրա աշխատել, Լ. Մանվելյանն էլ, հենվելով «Պարապ վախտի խաղալիքի» առաջաբանի վրա, գրել է, թե «Վերք Հայաստանին» արդեն պատրաստ էր 1841 թվականին: Փափաղյանի մոտ, նույնպես, որոշակիությունը բացակայում է: Նրա «Պատմություն հայոց գրականության» գրքի 340-րդ էջում «Վերք Հայաստանին» հիշվում է 1841 թվականին զրված, իսկ երկու էջ ներքև (343)՝ «զրված 1840—41-ին»: Որոշակի բան չենք գտնում նաև անցյալի մյուս ուսումնասիրողների մոտ:

«Վերքի» գրության թվականի ճշտմանը մեծապես նպաստեց վեպի ինքնագրի ուսումնասիրությունը, որով ամենից ավելի զբաղվել են Ծ. Շահազիզը և Ռ. Ջարյանը: Սակայն, շնայած դրան, «Վերքի» գրության թվականը սրանք ևս չկարողացան լուծել: Վաստակավոր բանասեր Ծ. Շահազիզը մինչև 1943 թվականը վեպի գրության թվականի մասին որոշակի կարծիք չուներ: Նա մերթ ընդունում էր 1840, մերթ էլ 1841 թվականները: Արովյանի «Դիվանի» առաջին հատորի 78 և 362 էջերում նա գրում է, թե «Վերքը» 1840-ին է զրված, իսկ նույն գրքի 146 էջում՝ 1841 թվականին: Արովյանի ընդարձակ կենսագրության մեջ, արդեն 1943 թվականին, Շահազիզը հետևողականորեն շեշտում է որպես վեպի գրության թվական՝ 1840 թվականի բարեկենդանը՝ Ծ. Շահազիզը միաժամանակ համամիտ է այն կարծիքին, որ դեռ 1838 թվականից վեպի որոշ հատվածներ Արովյանը գրած է եղել:

Ծ. Շահազիզից գրեթե չի տարբերվում Ռ. Ջարյանը, թեպետ նա հատուկ քննության է ենթարկել վեպի գրության թվականի հարցը և ժխտել ուրիշներին (Լեո. Մանվելյան, Փափաղյան): Հենվելով վեպի անվանաթերթի և Արիմյանի հուշերի վրա, Ջարյանը փկել է հետևյալ եզրակացության. «Իսկ որ թվականին է սկսել Արովյանը գրել վեպը՝

¹ Լեո, Ռուսահայոց գրականությունը, էջ 13:

² Նույն տեղում, էջ 168:

³ Լ. Շահազիզ, Խ. Արովյանի կենսագրությունը, էջեր՝ 61, 98—99, 101—102:

⁴ Նույն տեղում, էջ 103:

հայտնի չէ։ Պարզ է միայն այն, որ վեպի գրումն ընկնում է հետգործադատյալ, աշտինք-
թիֆլիսյան շրջանում, մինչև 1840-ը... Դեռ 1838-ին վեպի որոշ հատվածներ (եթե ոչ
ամբողջ վեպը) գրված են եղել¹։ Նույն կարծիքը Զարյանը կրկնել է նաև «Արուսյանի-
կյանքը» գրքում²։ Ռ. Զարյանի կարծիքը թեև այժմ ամենատարածվածն է, սակայն ընդու-
նելի չէ, որովհետև, ինչպես ստորև կտեսնենք, «Վերքը» գրված է հետադառնում։

«Վերքի» գրություն թվականի մասին ինքնուրույն կարծիքներ ունեն նաև պրոֆ.
Գ. Արուսի և վեպի ակադեմիական հրատարակության ծանոթագրողը։ Պրոֆ. Գ. Արուսի թեև
առանձին քննության առարկա չի դարձրել հիշյալ հարցը, սակայն նրա „Хачатур Або-
вян“ աշխատության մեջ մենք հանդիպում ենք մյուսներից տարբեր հետևյալ տեսակետին.
„Еще 1839 году, когда Абовян писал свой роман „Раны Армении“, — „Абовян
создал новый армянский роман „Верк Айнастани“ („Раны Армении“) (1836—1840), к тому
...роман этот, написанный в 1836—1740 (sic! 1840) годах“³։

Պարզ է, որ Արուսի կարծիքով Ռ. Արուսյանը «Վերքի» ստեղծմանն է. ձեռնարկել
1836 թվականին, գրել ընդամենը մեկ և ավարտել 1840-ին։ Այս նոր և ինքնուրույն կար-
ծիքի վրա հավատ չի կարելի ընծայել։ Պահպանվել է «Վերքի» սևագիրը, որի էջերից մե-
կը, որ երբեմն եղել է Թիֆլիսի գավառական զավոյի գործի շապկի, կրում է 1841 թվա-
կանը։ Ինչպես կարող էր Արուսյանը իր վեպը 1836—40 թվականների ժամանակամիջոցում
գրել, երբ նրա սևագիրը գրված է 1841 թվականի թղթի վրա։

«Վերքի» ակադեմիական հրատարակության ծանոթագրողն էլ ասում է. «Պետք է
կարծել, որ «Վերք» Հայաստանին» սկսված ու ավարտված է 1840 թվականին, այն էլ կարճ
ժամանակամիջոցում... հեղինակն այն մի քանի անգամ արտագրել է և վերամշակել⁴։

Եթե հասրագումարի բերենք «Վերք» Հայաստանի» գրության թվականի մասին
հայտնված կարծիքները, ապա զրանք կհանգեն հետևյալին.

ա) «Վերքը» գրվել է 1838-ից։

բ) «Վերքը» հիմնովին գրվել ու ավարտվել է 1840-ին։

գ) «Վերքը» գրվել է 1838—1840 թվականներին։

դ) «Վերքը» գրվել է 1836—1840 թվականներին։

Վերահիշյալ չորս կարծիքներն էլ անբավարար են և թերի, որովհետև բոլորն էլ
սկսում կամ հանդում են 1840 թվականին, բոլորի ելակետն էլ, վերջին հաշվով «Վերքի»
անվանաթերթն է։

Քանի որ այժմյան արուսյանագետների միակ կովանը «Վերքի» անվանաթերթն է
սկզբից էլ ասենք, որ նրա վրա եղած թվականը հավաստի չէ։ Արուսյանի բնորոշ ձեռա-
գրով գրված են միայն հետևյալ բառերը. «Վերք Հայաստանի ողբ հայրենասիրի։ Պատմա-
կան վեպ։ Բաժանելու յերիս մասունցս ի և. Արուսեանէ, վերահասչէ աբուհակաւ, նահանգա-
կան ուսումնատանից՝ որ ի Տիֆլիս։ Սրան հաջորդող՝ ի 1840 Թիֆլիզ» տողը գրված է այլ
ձեռքով և կասկածելի է։ Անվանաթերթի նախորդ և վերջին տողերի ուշագիր համեմատու-
թյունը հանգեցնում է հետևյալին. տարբեր ձեռքով և տարբեր ժամանակներում են գրե-
ված այդ տողերը։ Միևնույն տեղանունը անվանաթերթի վրա օգտագործված է հրկու
անգամ՝ «Տիֆլիս» և «Թիֆլիզ» ձեռքով։ Սրանցից վերջինը գրված է ոչ Արուսյանի ձեռքով
և այլ թանաքով։ Թվականը՝ 1840, գրված է նախկին ջնջված (թվականի) տեղը՝ մատի-
տով։ Եզրակացությունը պարզ է. գործ ունենք հեղինակային անվանաթերթի վրա եղած
թվականի կեղծման փաստի հետ։

Այսպիսով, «Վերքի» գրության թվականը 1840-ը համարողների այս մի հատիկ կրո-
վանը վերանում է մեջտեղից՝ որպես հետագա խեղաթյուրում. վերանում է նաև այն
սխալ կարծիքը, իբրև «Վերքի» վրա հեղինակը սեփական ձեռքով նշանակել է 1840 թվա-
կանը, իսկ 1840-ը մնում է «Վերքի» գրության ժամանակի մասին արված հնարավոր
ենթադրություններից մեկը։

Իսկ ո՞ր թվականին է գրվել «Վերքը»։

«Վերք» Հայաստանի» վեպի մեզ հասած ձեռագրերի ուշագիր քննությունը և հեղի-
նակի իր իսկ հաղորդած տեղեկությունները վեպի գրության թվականի մասին մեզ բերում

¹ Խ. Արուսյան, Ընտիր երկեր, հ. 1, 1939, էջ 333։

² Ռ. Զարյան, Արուսյանի կյանքը, Երևան, 1940, էջ 92—93։

³ Դ. Աբով, Хачатур Абовян, Ереван, 1948, стр. 68, 97 и 145։

⁴ Խ. Արուսյան, Երկերի լիակատար ժողովածու, Երևան, 1948, էջ 380։

են այն եղրակացության, որ նա չէր կարող և չի գրված 1840 թվականին: Թղթերից մեկում Արուստանն պատմում է, որ մինչև վեպի գրության ձեռնարկելը, գրել է աշխարհաբար լեզվով բաղմաթիվ հեքիաթներ և առակներ, դրանք կարդացել ծանոթների ու աշակերտների մոտ, նրանց կարծիքն հարցրել և միաժամանակ փորձել — հնարավոր է աշխարհաբար ղրականության լեզու դարձնել, նրանով ժողովրդի սրտին դուր եկող բաներ գրել: Այդ գործերի մի մասը Արուստանը տեղավորել է տպագիր ու ձեռագիր «Նախաշավիղների», մյուսը «Վերքի» ղրությունից հետո կաղմված «Պարսպ վախտի խաղալիք» ժողովածուի և մի այլ մասն էլ՝ կարճառոտ ու ղվարճալի պատմությունների հավաքածո տետրակների մեջ: Հիշյալ գործերի քննությունը ցույց է տալիս, որ նրանք գրված են 1830 — 1841 թվականներին ընկած ժամանակամիջոցում: Այդ գործերի շարքում կան Աղասուն վերաբերող բանաստեղծություններ ևս: 1838 թվականից, աշակերտների մոտ Արուստանը կարող էր կարդալ այդ ոտանավորները, բայց ոչ «Վերքը»:

«Վերքի» ղրության թվականի մասին ծանրակշիռ փաստեր կան վեպի առաջարանում, որոնց վրա արուստանդետները պատշաճ ուշադրություն չեն դարձրել, հակառակ պարագայում անվանաթերթի թվականի անվավեր լինելը նրանք կհասկանային: Առաջարանում Արուստանը պատմում է, որ մինչև վեպի գրությանը ձեռնարկելը, ինքը ապրել է խռովահույզ հոգեվիճակ, մինչև իսկ որոշել է ինքնասպանութուն գործել, սակայն որոշ հանդամանքներ նրան ետ են պահել այդ քայլը կատարելուց. «Ջուրն բնկնիլ՝ էլ չէի կարող, շուների Աստուծո ահը մտքումս, անմեղ բոսփիս ձեռք անկաջումս էր. սերն ու ծնողական գութը ջիղյարումս, ես ղինջանայի, էթրմին ով պահեր», կամ «Մէկ բարիկենդանի՝ աշակերտներին որ բաց թողի, սկսեցի՝ ինչ որ երեսությունիցս լսած, կամ տեսած բան ղիտեի, տակ ու ղլուխ անիլ: Վերջը իմ ջիվան Աղասին միտս ընկավ... մեկ երես բան ղեռ չէի գրել, որ մանկական սիրելի բարեկամ ու ազնիվ շայազզի պարոն ղոճսոթ Աղսիֆոն Սմբատյանը ներս մտավ... նրա սուրբ բարեկամության եմ պարտական, որ մունջ լեզուս բաց արեց: Նա ղնաց թե չէ՝ կրակը ջանս առավ: Մհարի տասն էր առավոտի... ղիշերվան մինչև սհաթի հինգր օշ հացի մտիկ արի, ոչ շայի... երեսուն թարաղեն էն ա լցվելով էր, որ բնությունը իր պարտքը պահանջեց, աչքերս ղնաց... [առավոտյան] աչքս բաց եմ անում, իմ խեղճ, դարի ղերմանացի կողակցի ձեռն ա ընկնում ականջս: Տեսնիմ իմ միայնակ որդին ղոշին առած... ղծվածի պես վեր թուս, երեսիս եմ նայում»:

Ինչ են հետևում այս մեջբերումներից: Արուստանը պարզ ասում է, որ իր վեպի գրությանը ձեռնարկել է բարեկենդանին: Քանի որ սովորաբար բարեկենդանը հայերի մոտ կատարվում է փետրվար ամսին, հետևաբար «Վերքը» սկսել է գրվել փետրվար ամսից: Երբ Արուստանը ստեղծագործական ինքնամոռացության մեջ գրելիս է եղել վեպը, մինչև այդ ծնված է եղել անդրանիկ որդին՝ Վարդան Արուստանը: Մենք հաստատապես ղիտենք Վարդանի ծննդյան թվականը՝ 1840 թիվ, մայիս 31: Կարող էր Արուստանը 1810 թվականի փետրվարին գրած լինել իր վեպը և հիշատակել նրա մեջ, որ երբ ինքն ինքնամոռացության մեջ էր ընկել, կինը երեսային ղրկած լաց էր լինում: Իհարկե, ոչ: 1840 թվականի փետրվարին նրա որդին ղեռ ծնված չէր և եթե այդ ժամանակ գրված լինել վեպը՝ ապա որդու մասին ոչ մի հիշատակութուն չէր կարող լինել: Երբ 1841 թվականի փետրվար ամսի համար ղա միանգամայն բնական է, որովհետև ոչ միայն արգեն ծնված էր նրա որդին, այլև ղրկի երեսա էր: Սրանից էլ հետևութուն. «Վերքը» Արուստանն սկսել է գրել 1841 թվականի փետրվար ամսից: Սակայն սա միակ փաստը չէ, որ խոսում է վեպը 1841 թվականի փետրվարին գրված լինելու օգտին: Կա մի երկրորդ հատված ևս, որը հաստատում է մեր առաջարկած թվականը: Արուստանը «Վերքում» գրել է. «Մյուսը (Սումբաթովը — Պ. Լ.) հո՛ որ աղգի աչքի լիսն ա էս օր էլ, տարի ու կես կառավարիչ էր բոլոր հայոց նահանգին: Խոսքը ղնղապետ Գևորգ Սմբատյանի մասին է, որը Հայկական մարզի կառավարիչն է 1839—40 թվականներին: Գ. Սմբատյանը աշխատանքից աղափել է 1840 թվականի ապրիլի 10-ի հրամանագրից հետո, երբ Հայկական մարզը իրեն վարչական միավոր ղաղարել է ղոյություն ունենալուց: Դա տեղի է ունեցել տարվա երկրորդ կեսին: Մեջբերած հատվածում Արուստանը խոսում է անցած իրողության մասին: Կարող էր նա

1 Խ. Արուստան, Երկերի լիակատար ժողովածու, հատ. 3, էջ 4:

2 Նույն տեղում, էջ 4—6:

3 Նույն տեղում, էջ 183:

Գ. Սմբատյանի մասին խոսել իրրե երրեքնի Հայկական Մարզի կառավարչի, եթե «Վերքը» զրված լիներ 1840 թվականի բարեկենդանին կամ էլ՝ 1840 թվականին ավարտված լիներ, իհարկե, ոչ, իսկ 1841 թվականին կամ զրանից հետո, այո, կարող էր, որովհետև այդ ժամանակ Հայկական մարզը զոյություն չուներ, և Գ. Սմբատյանը աղատվել էր կառավարչի պաշտոնից ու տեղափոխվել Թիֆլիս (նա, ինչպես Արովյանը հիշում է այլ առիթով, այցելել է իրեն)։ Հարց է ծագում այժմ, չի հակասում արդյոք մեր առաջ քաշած թվականը «Պարապ վախտի խաղալիքի» առաջարանին, ուր «Վերք Հայաստանին» հիշվում է որպես պատրաստի գործ... «Սրա (Աղասու—Պ. Ն.) պատմությունը շատ երկար է, որ զրած մոտիս հազիր ունիմ ու նրանով կարելի է իմանալ էն ժամանակվա մեր աշխարհի հալը։ Գրքի անունն ա «Վերք Հայաստանի, ողբ հայրենասիրի»¹։ Երբ է զրված «Խաղալիքի» առաջարանը, ինքնագրի մեջ առաջարանը պարունակող համապատասխան էջերը և անվանաթերթը, որոնց վրա սովորաբար նշանակվել է զրության թվականը, բացակայում են, իսկ էնֆիլաճյանցի հրատարակության մեջ թվակիր են և զիրքը, և առաջարանը՝ 1841՝ Թիֆլիզ։ Մի կողմ թողած հավաստի է, թե ոչ այդ թվականը՝ զիմենք ժողովածուն և տեսնենք, թե ինչ թվակիր նյութեր է պարունակում այն «Խաղալիքին» կցված է «Ֆեոդորա» զրաման, զրված 1841 թվականի հուլիսի 11-ին։ Ուրեմն ժողովածուն չէր կարող կազմված լինել 1841 թվականի հուլիսին։ Ժողովածուի ոտանավորներից մեկը՝ «Իմ բարեկամ Աղաջան Վարդանյանի պատկերի առաջին» զրված է 1841 թ. սեպտեմբերի 5-ին։ Ուրեմն «Խաղալիքը» 1841 թվականի վերջին քառորդից առաջ չէր կարող կազմված լինել։ Այն փաստը, որ «Խաղալիքի» առաջարանում «Վերքը» հիշատակվում է իրրե պատրաստ գործ, բնավ չի ժխտում նրա 1841 թվականի փետրվարին զրված լինելը, այլ, ընդհակառակը, հաստատում է «Վերքի» 1841 թվականին զրվելը։

Վերջերս պրպտիով դանադան տպագիր ու անտիպ նյութեր «Վերքի» զրության ժամանակի ու հանգամանքների մասին, մենք հանդիպեցինք Արովյանի մի ինքնաձեռագիր վկայությանը, ուր նա ասում է. «Ինձ համար այնքան հիշարժան 1841 թվականի բարեկենդանին սկսեցի իմ պատմությունը։ Արովյանի այս վկայությունը հաստատվում է վերևում մեր բերած փաստերով։ Ավելորդ է սրանից հետո, մեր կարծիքով, փալի զրության թվականի մասին նոր փաստեր բերելը։ Հեղինակի բառերը վերջնականապես հաստատում են, որ նա «Վերք Հայաստանի» պատմավեպի ստեղծմանն է ձեռնարկել 1841 թվականի փետրվարին։ Մեր կարծիքով 1841 թվականն էլ նշված է եղել նախապես վեպի անվանաթերթի վրա, որ եղծվել է անցյալ դարի 80-ական թվականներից հետո։ Այդ բանը հաստատվում է Աղարյանի մի վկայությամբ։ Իր «Մի քանի խոսք Արովյանի վերա» հոդվածում անդրադառնալով «Վերքի» առաջին հրատարակության, նա զրել է. «զարմանալի բան է, որ Վեբ Հայաստանի տպագրության մեջ ցույց չէ տված, թե երբ է զրված նա. բայց մենք տեսնում ենք ձեռագրումը, որ նա զրված է 1841-ին»²։

Մեք վերջնական եզրակացությունն է. Արովյանը «Վերքի» զրությամբ է ձեռնարկել 1841 թվականի փետրվարին։ Հայ նոր զրականության հիմնադրի սեղծման սկիզբը այսուհետև ոչ քե պիտի նամարել 1836, 1838 կամ 1840 թվականները, այլ 1841 թվականի փետրվարամիսը³։

¹ Խ. Արովյան, Երկերի լիակատար ժողովածու, հատ. 2, էջ 190։

² «Կուռնկ» ամսագիր, 1881, էջ 543։

³ Տեղեկագրի 1952 թվականի № 5-ում տպագրված մեր «Խ. Արովյանը և ռուսական առաջավոր կուլտուրան» հոդվածի մեջ թույլ է տրված մի անճշտություն, «Противъ, а не въ...» բանաստեղծությունը համարված է Արովյանի ինքնուրույն ստեղծագործություն։ Մեզ շփոթեցրել էր բանաստեղծության տակ եղած զերմաներեն մակագրությունը։ Պարզվում է, որ այն հանդիսանում է ռուսական ժողովրդական երգ։